

SALATU BEARREZ

I salatu naiean
nator, neskatx oker;
ez dauskun, ez, euskeraz
irakur nai ezer.

«Ez dakitu», diñon nasai,
-ba ete lotsarik?-.
«Ez dakit irakurten
ez dakit izpirik».

Ta zelan don begitan
-aragi-lei-susper-
arinkeriz, arroputz
ainbat erdel paper?

Gaiztoa ire jarduna,
nik ezin ulertu;
euskal oituren euskai
leen lez ez aunagu.

Ta i olan lur egifta,
nasaikor ikusiz,
biotza jonat odol,
barnea garrasiz.

Euskerarik, federik,
guk be ez ba'jonagu,
euskal solo joria
biur bedi trisku.

Igotz